

12  
518  
551



儀禮古今文疏證

全



儀禮古今文

疏證

戊寅冬 璩

儀禮古今文疏證卷之上

士冠禮第一

布席於門中闈西闕外

註古文闈為棊闕為蹙

疏引漢書云魯人高堂生為漢博士傳儀禮十七篇

是今文也至武帝之末魯恭王壞孔子宅得亡儀禮

五十六篇其字皆以篆書是古文也古文十七篇與

高堂生所傳者同而字多不同○士喪禮席于闈西

闕外註古文闈作棊考工記匠人置棊以縣註棊古

文臬假借字春秋穀梁昭八年傳以葛覆質以為棊



註欀門中臬○註闕相也聘禮擯者立于闕外註古文闕為蹙士喪禮席于闕西闕外特牲饋食席于門中闕西闕外註並云古文闕作蹙

旅占 〔註〕古文旅作臚

周禮司儀旅擯註旅讀為鴻臚之臚漢書敘傳大夫臚岱註鄭氏曰臚岱季氏旅於太山是也師古曰旅陳也臚亦陳也臚旅聲相近其義一耳

纁裳 〔註〕今文纁皆作熏

士昏禮玄纁註今文纁皆作熏小戴記禮器士不衣纁裳陸德明本作熏裳又明堂位註纁白陸本作熏

白

側尊一甒醴 〔註〕古文甒作廡

既夕甒二少牢饋食司宮尊兩甒註並云古文甒皆作廡士虞禮尊兩甒註古文甒為廡世犖案甒字古作廡廡从廡省

各一匱執以待于西坫南 〔註〕古文匱為篋坫為檐

註匱竹器名釋文匱本或作算史記汲鄭傳不過算器食徐廣曰算竹器○註坫在堂角漢書文帝紀或坫于危亡服虔曰坫音反坫之坫孟康曰坫音屋檐之檐師古曰服孟二音竝通國語吳語王背檐而坐

註檐屋外邊壇也

世榮

案玷即謂屋之外向者知玷

即檐字檐又為檐之假借字矣

兄弟畢袵立

〔註〕古文袵為均也

註袵同也春秋左僖五年傳均服振振釋文均同也

字書作衲文選吳都賦六軍衲服劉註衲同也淮南

子齊俗尸祝衲衲

世榮

案衲衲即袵立字篆文衲衲

形近

采衣紒

〔註〕古文紒為結

註紒結髮下主人紒而迎賓註古文紒為結漢書陸

賈傳尉佗魁結箕踞師古曰結讀曰髻春秋左襄四

年傳註髻麻髮合髻也釋文髻本作紒又作結

贊者盥于洗西

〔註〕古文盥皆作浣

鄉射禮盥洗注古文盥皆作浣春秋左襄十九年傳

范宣子盥而撫之論衡論死作浣而撫之

贊者奠纒笄櫛于筵南端

〔註〕古文櫛為節

櫛字从木節節櫛同聲故櫛省作節

壹揖壹讓升

〔註〕古文壹皆作一

士相見禮主人答壹拜少牢饋食答壹拜有司徹皆

答壹拜註並云古文壹為一士相見禮君答壹拜鄉

飲酒禮壹揖壹讓聘禮公壹拜送公食大夫禮壹以

授賓註並云古文壹作一鄉射禮壹揖壹讓公食大夫禮公壹揖壹讓註並云古文壹皆作一聘禮壹食再饗註古文壹皆為一小戴記表記節以壹惠註壹讀為一世犖案壹一經典通用不可枚舉

面葉

〔註〕古文葉為搗

士昏禮面葉註古文葉作搗小戴記曲禮注引弟子職曰執箕膺搗陸德明本作膺葉七經考文云足利古本是葉字

面枋

〔註〕古今文枋為柄

士昏禮皆南枋註今文枋作柄特牲饋食註東枋釋文枋本亦作柄周禮內史掌王之八枋之法釋文枋本又作柄小戴記禮運以四時為柄釋文柄本又作枋五經文字木部枋古柄字

啐醴

〔註〕古文啐為呼

孟子告子啐爾而與之註啐爾猶呼爾啐之貌音義引了音啐呼也世犖案啐呼形近易混

束帛儷皮

〔註〕古文儷為離

註儷皮兩鹿皮也小戴記月令宿離不忒註離讀為儷偶之儷說文鹿部麗字引禮麗皮納聘鄉飲酒禮乃歌魚麗釋文麗本亦作離易彖傳離麗也又象上

傳麗澤兌鄭本作離象下傳離王公也鄭本作麗詩  
漸漸之石月離于畢論衡說日引作月麗于畢文選  
潘安仁詩婉婉長離註離與麗古字通國策高漸離  
論衡書虛作漸麗左定二年傳麗姬竹書作離姬

攝酒

〔註〕今文攝為聶

有司徹司宮攝酒註今文攝為聶小戴記內則聶而  
切之釋文聶一作攝

設局鼎

〔註〕今文局為鉉古文鼎為密

士昏禮設局鼎註局所以扛鼎鼎覆之今文局作鉉  
鼎皆作密公食大夫禮設局鼎註今文局作鉉古文

鼎皆作密士虞禮抽局註今文局為鉉又取鼎註古  
文鼎為密又抽局鼎有司徹乃設局鼎註並云今文  
局為鉉古文鼎為密說文金部鉉舉鼎具也易謂之  
鉉禮謂之鼎又鼎部鼎以木橫貫鼎耳而舉之从鼎  
冂聲周禮廟門容大鼎七箇即易玉鉉大吉也今考  
工記匠人作容大局世犖案匡謬正俗局以貫鉉非

即鉉也其說非是考毛晃增韻鼎字平仄分收蓋从  
平聲者通作局从仄聲者通作密說文冂部冂鼎覆  
也臣鉉等曰今俗作冪同士喪禮冪用疏布註古文  
冪皆作密少牢饋食皆設局冪註古文冪皆為密五



經文字口部冪與窳同

羸醢

〔註〕今文羸為蝸

士喪禮既夕少牢饋食各羸醢字註並云今文羸為蝸說文虫部蝸羸也爾雅釋魚蚶羸蟻蚶蚶註即蝸牛也

主人紛而迎賓

〔註〕古文紛為結

見上采衣紛條

禮於阼

〔註〕今文禮作醴

上請醴賓註此醴當作禮又若不醴註醴亦當為禮士昏禮出請醴賓註此醴亦當為禮又贊醴婦註醴

當為禮又如初禮註古文禮為醴聘禮賓拜禮於朝註今文禮為醴又禮玉註今文禮皆作醴小戴記內則宰醴負子註醴當為禮昏義贊醴婦註醴婦當作禮聲之誤也釋名釋飲食醴禮也漢書郊祀志俎豆醴進註謂雜物之具所以加禮也

某有子

〔註〕古文某為謀

玉篇木部某酸果也又音毋不知名者云某

世榮案

某字本假借無的字故古文或為謀註從今通用字以病吾子

〔註〕古文病為秉

秉古柄字春秋邴意茲史記作秉意茲文選與吳質

儀禮古今

卷之上

六

廩山所著

書古人思炳燭夜游註秉或作炳皆偏旁得通之證

賓對曰 〔註〕今文無對

眉壽萬年 〔註〕古文眉作麋

方言註麋猶眉也大戴記王言孔子愀然揚麋註麋

一作眉荀子非相孔子面無須麋註麋與眉同集古

錄漢故北海相景君碑有云不永麋壽余家集錄三

代古器銘有云眉壽者皆為麋壽蓋古字簡少通用

至漢猶然也 漢隃麋縣十六國春秋作榆眉

嘉薦亶時 〔註〕古文亶為瘳

古亶單一字詩板下民卒瘵陸德明本作僮小戴記

緇衣引作下民卒瘵陸本作亶詩桑柔逢天僮怒釋

文僮本亦作亶

孝友時格 〔註〕今文格為嘏

釋文嘏又作假少牢饋食以嘏于主人註古文嘏為

格小戴記曾子問不旅不假註假讀為嘏禮運祝嘏

釋文嘏本作假 世犖 案易王假有廟王假有家詩駸

假無言皆以假為格字

曰伯某甫 〔註〕甫字或作父

士相見禮若父則遊目註今文父為甫釋名釋親屬

父甫也 世犖 案父甫經典通用不可枚舉

章甫

〔註〕甫或為父今文為斧

甫父見上釋名釋用器斧甫也

士昏禮第二

當阿

〔註〕今文阿為庥

註阿棟也入堂深示親親鄉射禮序則物當棟堂則物當楣註正中曰棟次曰楣前曰庥世犖案如此註

是庥淺於楣鄉飲酒禮聘禮皆云賓當楣計主人在

阼賓行自應當楣但庥尚在楣外今鄭云入堂深示

親親鄉射禮又棟楣對舉則此當阿之為當棟無疑

今文非也故鄭不從周禮犬人幾珥註鄭司農云幾讀為庥錢明經坊曰幾阿聲之

也

如初禮

〔註〕今文禮為醴

見士冠禮禮於阼條

授技

〔註〕古文技為枝

既夕技在南註古文技為枝

世犖

案技當為枝莊子

天地大如標枝釋文枝本作枝荀子彊國拔戟加乎

首註技或作技或作枝

面葉

〔註〕古文葉作搗

見士冠禮面葉條

玄纁

〔註〕今文纁皆作熏

儀禮古今

見士冠禮纁裳條

腊一肫髀不升、〔註〕肫或作純古文純為鈞髀為脾

少牢饋食作腊一純小戴記中庸肫肫其仁〔註〕肫肫

或為純純世犖案鈞蓋假借字○士喪禮載兩髀〔註〕

古文髀為脾既夕髀不升少牢饋食髀不升有司徹

無髀〔註〕並云古文髀作脾詩車攻傳射左脾釋文脾

本作髀莊子人間世兩髀為脅釋文髀本又作脾

設局鼐〔註〕今文局作鉉鼐皆作密

見士冠禮設局鼐條

大羹湑在饗〔註〕今文湑皆作汁

〔註〕大羹湑煮肉汁也公食大夫禮大羹湑有司徹羊

肉湑〔註〕並云今文湑為汁特牲饋食設大羹湑于醢

北〔註〕今文湑皆作汁世犖案湑當為湑張參曰傳寫

次譌不敢便改

皆南枋〔註〕今文枋作柄

見士冠禮南枋條

姆加景〔註〕今文景作憬

憬隋書禮儀志作憬說文無憬憬字知古只作景王

侍郎引之曰古字多假借不必从巾者而後為衣也

世犖案景即詩所謂褰衣孔疏可證

請啓會卻于敦南 〔註〕今文啓作開古文卻爲裕

既夕請啓期士虞禮啓會又聲三啓戶〔註〕並云今文

啓爲開又既夕啓之昕〔註〕古文啓爲開史記張釋之

馮唐傳山都侯王恬開徐廣曰開一作間漢書作啓

啓者景帝諱也故或爲開 世舉案啓作開經典不可

枚舉○卻裕俱从谷聲古假借用故鄭不從

贊爾黍 〔註〕古文黍作稷

世舉案傳寫之異

服于房 〔註〕今文說作稅

飲酒禮說屨士虞禮大夫說經帶〔註〕並云今文說

爲稅鄉射禮弟子說束既夕主人說髦〔註〕並云今文

說皆作稅詩甘棠召伯所說頤人說于農郊釋文並

云說本或作稅小戴記檀弓使子貢說驂又螭固不

說齊衰玉藻無說笏釋文並云說本作稅

北止 〔註〕古文止作趾

釋名釋形體趾止也小戴記內則奉席請何趾陸本

作止易噬嗑履校滅趾陸本作止又夬壯于前趾艮

艮其趾荀本並作止又賁賁其趾釋文趾本作止詩

麟趾麟之趾陸德明本作麟之止春秋左桓十三年

傳舉趾高漢書五行志作舉止高詩七月四之日舉

趾漢書食貨志作舉止

媵侍于戶外 〔註〕今文侍作待

小戴記雜記待猶君也〔註〕待或為侍荀子正論百人

侍西房〔註〕侍或為待也莊子田子方孔子便而待之

又漁父竊待於下風〔釋文〕並云待本作侍

贊見婦于舅姑 〔註〕古文舅皆作咎

穆天子傳咎氏〔註〕字亦作舅咎猶舅也荀子臣道晉

之咎犯〔註〕咎與舅同又史記晉世家咎犯淮南子人

問訓咎犯之謀韓非子外儲說咎犯聞之而笑呂覽

當染染于咎犯並以咎為舅字

婦贊成祭 〔註〕今文無成也

與始飯之錯 〔註〕古文始為姑

始姑形近周頌敦銘皇毋龔始即以始為姑字

酬以束錦 〔註〕古文錦皆作帛

錦字从帛古文或省王侍郎 〔引之〕曰錦帛義得兩通

故錦或作帛

加于橋 〔註〕今文橋為鎬

詩扶蘇山有橋松〔釋文〕橋鄭作稿喬高形近義通古

〔釋文〕冠稿項黃馘者釋文稿本作矯亦其證也

又弗能教 〔註〕今文弗為不無能字

儀禮古今

卷之二

十一 確山所著

周禮諸子註弗不也春秋公羊僖二十六年傳註弗者不之深者也世犖案弗不經典通用不可枚舉

至於某之室 〔註〕今文於爲于

大射儀士御於大夫註今文於爲于既夕于北墉下

註今文于爲於世犖案于於經典通用不可枚舉

我與在 〔註〕古文與爲豫

鄉射禮賓不與聘禮介皆與公食大夫禮魚腊不與

註並云古文與作豫士虞禮主人不與註古文與爲

豫小戴記曲禮定猶與也釋文與亦作豫春秋穀梁

僖八年傳註以乞得與之釋文與本作豫史記呂后

紀計猶與索隱與又作豫又漢書註與字多讀曰豫

夙夜無違命 〔註〕古文本作無

士相見禮母改註古文本作無又母上于面公食大

夫禮母過四列註並云古文本爲無世犖案母無經

典通用不可枚舉

視諸衿鞶 〔註〕視乃正字今文作示俗誤行之

小戴記曲禮幼子常視母誑註視今之示字詩鹿鳴

視民不佻箋視古示字漢書高帝紀亦視項羽無東

意如淳曰視音示師古曰漢書多以視爲示古通用

字莊子應帝王以予示之釋文示本作視崔云視示

也又徐无鬼中之質如示日釋文示司馬本作視

請終賜見 〔註〕今文無終賜

七相見禮第三

左頭奉之 〔註〕今文頭爲脰

下左頭如麇 〔註〕今文頭爲脰士虞禮取諸脰臙 〔註〕今文脰臙爲頭臙也春秋公羊文十六年傳殺人者刎頭釋文頭本又作脰

某將走見 〔註〕今文無走

某不敢爲儀 〔註〕今文不爲非

下某不敢爲儀 〔註〕今文不爲非漢書蕭望之傳 〔註〕不

非也

固請吾子之就家也 〔註〕古文云固以請

某不敢爲儀 〔註〕今文不爲非

見上條

將走見 〔註〕古文曰某將走見

某也固辭不得命 〔註〕今文無也

主人答壹拜 〔註〕古文壹爲一

見士冠禮壹揖壹讓升條

某也既得見矣 〔註〕今文無也

左頭如麇 〔註〕今文頭爲脰



見上左頭奉之條

君答壹拜

〔註〕古文壹作一

見士冠禮壹揖壹讓升條

妥而後傳言

〔註〕古文妥爲綏

小戴記曲禮大夫則綏之又國君綏視註並云綏讀

曰妥漢書武五子傳城北州以妥孟康曰妥古綏字

也晉姜鼎銘妥懷遠邦楊南仲釋曰妥讀爲綏

母改

〔註〕古文母作無

見士昏禮夙夜無違命條

衆皆若是

〔註〕今文衆爲終

易雜卦大有衆也荀本衆作終詩振鷺以永終譽後

漢書崔駰傳引作衆譽史記五帝紀怙終賊刑徐廣

曰終一作衆

若父則遊目毋上於面毋下於帶

〔註〕今文父爲甫古

文毋爲無

父甫見士冠禮曰伯某甫條毋無見士昏禮夙夜無

違命條

君子欠伸問日之早晏

〔註〕古文伸作信早作蚤

疏引周禮大宗伯云侯執伸圭爲信字小戴記儒行

竟信其志註信讀爲屈伸之伸假借字也易繫辭引

儀禮古今

卷之上

十四

嶠山所著

而伸之釋文伸本又作信又以求信也釋文信本又作伸詩擊鼓不我信兮釋文信古伸字荀子不苟靡所不信註信讀為伸漢書註多讀信曰伸○詩七月四之日其蚤小戴記王制註引作其早漢書文帝紀有司請蚤建太子師古曰蚤古以為早晚字也

問夜膳葷

〔註〕古文葷作薰

小戴記內則註一薰一膾釋文薰本作葷漢書霍去病傳所獲葷允之士服虔曰葷允薰鬻也師古曰葷字與薰同文選養生論薰辛害目註薰與葷同

徧嘗膳

〔註〕今云帖嘗膳

玉篇口部帖字引穀梁傳曰未嘗有帖血之盟帖嘗也世犖案帖即嘗義故鄭不從

若君賜之爵

〔註〕今文曰若賜之爵無君也

容彌蹙以為儀

〔註〕今文無容

執玉者

〔註〕今文無者

舉前曳踵

〔註〕古文曳作柅

玉篇申部曳牽也引也荀子非相接人則用柅註柅牽引也或曰柅當為柅小戴記檀弓負手曳杖釋文曳亦作柅

宅者

〔註〕今文宅或為託

儀禮古今

卷之七

十五

確山所著

說文山部宅所託也書顧命三咤釋文咤字亦作宅  
徐又音託說文引作三託

則曰艸茅之臣 〔註〕古文茅作苗

易泰拔茅連茹釋文茅鄭音苗羣經音義 艸部茅苗  
也孟子滕文公晝爾于茅音義張云字或作苗誤

鄉飲酒禮第四

賓厭介入門左介厭眾賓入眾賓皆入門左 〔註〕今文  
皆作揖又曰眾賓皆入左無門

〔註〕推手曰揖引手曰厭下賓厭介升註今文厭皆爲  
揖鄉射禮賓厭眾賓註今文皆曰揖眾賓

奠爵于篚下 〔註〕今文無奠

壹揖壹讓升 〔註〕古文壹作一

見士冠禮壹揖壹讓升條

坐挽手 〔註〕古文挽作說

鄉射禮坐挽手註古文挽作說特牲饋食坐挽手註  
古文挽皆作說有司徹坐挽手註挽手者于幌古文  
幌作說

北面拜送爵 〔註〕今文無北面

辯有脯醢 〔註〕今文辯皆作徧

燕禮大夫辯受酬有司徹若是以辯註並云今文辯

皆作徧少牢饋食辯換于三豆註今文辯為徧書舜  
典徧于羣神史記五帝紀作辯于羣神

賓厭介升介厭眾賓升註今文厭皆為揖

見上賓厭介條

辯有脯醢註今文辯為徧

辯有脯醢註今文辯為徧

並見上辯有脯醢條

眾受酬者受自左註今文無眾酬也

介坐受以興註今文曰賓受

世榮

案賓言取介言受尊卑之異故鄭不从今文

遵者降席東南面註今文遵為僎或為全

鄉射禮大夫若有遵者註今文遵為僎小戴記少儀

僎爵註古文禮僎作遵鄉飲酒義介僎註古文禮僎

皆作遵說文人部僎具也玉篇入部全具也論語異

乎三子者之撰釋文撰鄭作僎讀曰詮說文言部詮

具也从言全聲

說屨註今文說為稅

見士昏禮主人說服于房條

賓服鄉服以拜賜註今文曰賓服鄉服

主人釋服註古文釋作舍

儀禮古今

卷之五

七

嶺山所著

大射儀獲而未釋獲註古文釋為舍周禮大胥舍菜  
 註舍即釋也占夢乃舍萌于四方註舍讀為釋古書  
 釋菜釋奠多作舍字又甸祝舍奠于祖廟註舍讀為  
 釋詩行葦舍矢既均箋舍之言釋也小戴記祭統舍  
 奠於祖廟註舍當為釋

賓介不與

〔註〕古文與為預

玉篇象部豫或作預詳士昏禮我與在條

脊肩胛肺

〔註〕今文胛作胛

有司徹羊胛一註古文胛為胛又肫胛釋文胛本作  
 胛

則獻諸西階上

〔註〕今文無上

縮霑

〔註〕古文縮為蹙

鄉射禮則縮而委之註古文縮皆作蹙士虞禮東縮  
 又縮祭半尸少牢饋食縮執俎有司徹西縮註並云  
 古文縮為蹙廣雅釋詁蹙縮也詩節南山蹙蹙靡所  
 騁傳蹙蹙縮小之貌

鄉射禮第五

賓厭飲賓

〔註〕今文皆曰揖眾賓

見鄉飲酒禮賓厭介條

主人阼階前西面坐

〔註〕今文無阼階

盥洗 〔註〕古文盥皆作浣

見士冠禮贊者盥于洗西條

壹揖壹讓 〔註〕古文壹皆作一

見士冠禮壹揖壹讓升條

坐挽手 〔註〕古文挽作說

見鄉飲酒禮坐挽手條

大夫若有遵者 〔註〕今文遵為僕

見鄉飲酒禮遵者降席東南面條

皆揖就席 〔註〕今文揖為升

廣雅釋詁揖進也呂覽孟秋紀農乃升穀〔註〕升進也

退少立 〔註〕古文曰少退立

進坐取觶興反坐不祭遂卒觶興坐奠觶拜 〔註〕今文

坐取觶無進又曰坐奠之拜

下實觶〔註〕今文觶為之世犖案觶之音譌於文亦通

兼挾乘矢 〔註〕古文挾皆作接

大射儀挾乘矢於弓外〔註〕古文挾皆作接孟子盡心

挾貴而問〔註〕挾接也荀子儒效盡善挾洽之謂神〔註〕

挾讀為浹又解蔽不足以浹萬物之變〔註〕浹當為接

某御於子 〔註〕古文曰某從於子

士喪禮外御〔註〕小臣侍從者既夕御者〔註〕今時侍從

之人

弟子說束

〔註〕今文說皆作稅

見士昏禮主人說服于房條

阼階下之東南

〔註〕今文無南

豫則鉤楹內

〔註〕今文豫為序

〔註〕豫讀如成周宣榭災之榭周禮作序惠徵君謂左

氏古文榭本作射

世犖

案孟子滕文公序者射也小

戴記祭義卿大夫序從〔註〕序或為豫爾雅釋地河南

曰豫州釋文引春秋元命包云豫之言序也又李〔註〕

豫舒也書洪範曰豫春秋公羊成九年經〔註〕論衡寒

温並引作曰舒漢書儒林傳殷曰序〔註〕序舒也

適堂西 〔註〕今文曰適序西

下主人堂東祖決遂執弓搢三挾一个賓於堂西亦

如之又賓序西主人序東〔註〕或言堂或言序亦為庠

榭互言也

負俛而俛

〔註〕今文俛為立

大射儀三耦俛于次北〔註〕今文俛為立

世犖

案說文

俛字本从立作𠄎故今文省作立

不貫不釋

〔註〕古文貫作關

大射儀不貫不釋〔註〕古文貫作關漢書王嘉傳大臣

括髮關械註關貫也說文弓部彎持弓關矢也春秋左昭二十一年傳豹則關矣註關引弓也史記陳涉世家士不敢貫弓漢書作彎弓

以茅上握焉

〔註〕今文上作尚

覲禮尚左註古文尚作上廣雅釋詁尚上也

世舉案

尚上經典通用不可枚舉

則縮而委之

〔註〕古文縮皆爲蹙

見鄉飲酒禮縮霽條

北面拜受爵

〔註〕古文曰再受爵

各以其耦

〔註〕今文以爲與

註以猶與也詩江有汜不我以箋以猶與也小戴記

中庸可以入德矣七經考文云古本以作與

作上射

〔註〕今文或言作升射

漢書王莽傳註上升也

執餘獲升告

〔註〕今文曰告于賓

視算

〔註〕今文曰視數也

鄉飲酒禮無算爵註算數也說文竹部算數也

退反位

〔註〕古文曰反坐

世榮

案人所坐立處皆曰位故位亦作坐

長受酬酬者不拜

〔註〕古文曰酬者不拜



執觶者洗升實解 註今文無執解及賓解大夫之解皆為爵實解解為之

有司徹舉解于其長 註古文解皆為爵延景中詔校書定作解燕禮坐取觚註古文觚皆為解又坐奠觚註今文從此文以下觚皆為爵○解之見上坐奠解

拜條

賓不與 註古文與作豫

見士昏禮我與在條

五職 註古文職為哉今文或作植

世榮案哉當為哉字書禹貢厥土赤埴墳釋文埴鄭

作哉釋名釋地埴膩也黏昵如脂之膩也莊子馬蹄

釋文引作埴職也黏昵如脂之職也考工記搏埴之

工註埴書或為植 晉羊舌職說苑善說作羊埴埴植古通字

獻工與笙 註今文無與笙

遂命倚旌 註古文曰遂命獲者倚旌

則以白羽與朱羽糝杠長三仞以鴻脰韜上二尋 註

今文糝為縮韜為韜

註糝者雜也 世榮案糝字古作粗古从柔从丑字得

通說文米部粗雜飯也大射儀公親揉之註古文揉

為紐廣雅釋詁紐束也爾雅釋器繩之謂之縮之註

縮者約束之○玉篇羽部翮翮也翮翮並同

世肇

案翮即翮字翮綢音同小戴記檀弓綢練釋文綢韜

也爾雅釋天素錦綢杠玉篇作韜杠

眾賓不與 〔註〕古文與爲豫

見士昏禮我與在條

侯道五十弓

〔註〕今文改弓爲肱也

肱亦作弦

春秋昭三十一年黑肱公羊春秋作黑弓

君射則爲下射

〔註〕今文君射則爲下

則皮樹中以割旌獲白羽與朱羽糅

〔註〕今文皮樹爲

繁豎糅爲緇古文無以

詩十月之交蕃維司徒韓詩蕃作繁漢書人表皮師

古曰卽詩所謂蕃維司徒者也又魯國蕃縣應劭曰

蕃音皮風俗通山澤陂者繁也○樹豎音同漢書揚

雄傳皆稽首樹領師古曰樹豎也○上白羽與朱羽

糅〔註〕今文糅爲縮

世肇

案縮緇形近傳寫或譌

唯君有射于國中其餘否

〔註〕古文有作又今文無其

餘否

易繫辭又以尚賢也鄭本又作有詩終風不日有曠

筵有又也又長發有虔秉鉞筵有之言又也小戴記

內則三王有乞言〔註〕有讀爲又荀子註有字多讀爲

又世犖案古器物銘皆以又為有字

大夫射則肉袒 〔註〕今文無射

燕禮第六

幕用綌若錫 〔註〕今文錫為綌

大射儀幕用錫〔註〕錫細布也今文錫或作綌喪服傳  
〔註〕謂之錫者治其布使之滑易也說文糸部綌細布也文選子虛賦被阿綌〔註〕綌與錫古字通

射人納賓 〔註〕今文曰擯者

〔註〕射人為擯者也

坐取觚洗 〔註〕古文觚皆為觶

下士長升受觶〔註〕今文觶作觚又勝觚于公〔註〕此當言勝觶酬之禮皆用觶言觚者字之誤也古者觶字或作角旁氏由此誤爾又洗象觶〔註〕今文曰洗象觚又取賓所勝觶〔註〕今文觶又為觚大射儀拜受觶〔註〕今文觶作觚考工記梓人觚三升〔註〕觚當為觶世犖案鄭駁五經異義曰觶字角旁氏汝穎之間師讀所作今禮角旁單古書或作角旁氏角旁氏則與觚字相近學者多聞觚寡聞觶寫此書亂之而作觚耳

坐奠觚 〔註〕今文從此以下觚皆為爵

論語觚不觚釋文觚酒爵也 世犖案儀禮觶觶爵字

古今文多混見鄉射禮執觶者洗升及上條

主人辭洗 〔註〕今文無洗

更爵洗升 〔註〕古文更為受

大射儀更爵洗〔註〕古文更為受周禮巾車歲時更續

〔註〕故書更續為受讀春秋左昭九年傳以更豕韋之

後史記夏本紀作以受豕韋之後徐廣曰受一作更

世準 案更字古从更形與受近

勝觚于賓 〔註〕今文勝皆作騰

〔註〕勝讀或為揚大射儀勝觚于賓〔註〕古文勝皆作騰

公食大夫禮衆人騰羞者〔註〕騰當作勝小戴記檀弓

杜賈洗而揚觶〔註〕禮揚作勝鄉飲酒義揚觶射義揚

觶而語〔註〕並云揚今禮皆作騰

大夫辯受酬 〔註〕今文辯皆作編

見鄉飲酒禮辯有脯醢條

主人以虛爵降奠于篚 〔註〕今文無奠于篚

遂卒爵 〔註〕古文曰卒爵不拜

士長升拜受觶 〔註〕今文觶作觚

見上坐取觚條

洗象觶 〔註〕今文曰洗象觚

公坐取賓所勝觶 〔註〕今文觶又為觚

儀禮古今

卷之十一

五

廂山所著

見並同上

公答拜 〔註〕古文曰公答再拜

以賜鐘人於門內雷 〔註〕古文賜作錫

覲禮天子賜舍 〔註〕今文賜作錫易師卦王三錫命鄭

本錫作賜書序平王錫晉文侯秬鬯馬本錫作賜春

秋莊元年天王使榮叔來錫桓公命公羊傳錫者何

賜也成八年天子使召伯來賜公命公穀並作錫書

禹貢納錫大龜又錫土姓史記夏本紀並作賜

寡君有不腆之酒 〔註〕古文腆皆作殄今文皆曰不腆

酒無之

考工記輶人輶或頌典 〔註〕鄭司農曰典讀為殄詩新

臺籩條不殄箋殄當作腆

使某固以請 〔註〕今文無使某

與卿燕則大夫為賓與大夫燕 〔註〕今文無則下無燕

大射儀第七

頌磬東面 〔註〕古文頌為庸

〔註〕言成功曰頌西為陰中萬物之所成周禮大司樂

疏引鄭註笙庸以問云西方之樂謂之庸庸功也西

方物熟有成功亦謂之頌頌亦是頌其成功也又眠

瞭擊頌磬註頌或作庸

冪用錫若絺

〔註〕今文錫或作緡絺或作綌

錫緡見燕禮若緡條○小戴記喪大記浴用絺巾釋

文絺本作綌

綴諸箭

〔註〕古文箭作晉

周禮職方氏其利金錫竹箭註故書箭為晉考工記

廬人晉圍釋文晉一作箭

更爵洗升

〔註〕古文更為受

見燕禮更爵洗升條

媵觚于賓

〔註〕古文媵皆作騰

見燕禮媵觚于賓條

降適西階下

〔註〕古文曰降造西階下

莊子山木愛已而造哀也釋文引司馬註造適也

後首

〔註〕古文後首為後手

士喪禮左首進髻註古文首為手小戴記檀弓斂首

足形陸本作手足春秋成二年曹公子首公穀並作

手又左宣二年傳見其手釋文手本作首穀梁定十

年傳首足異處史記孔子世家作手足莊子達生則

捧其首釋文首本作手漢書人表斂手說文作斂首

挾乘矢於弓外

〔註〕古文挾皆作接

見鄉射禮兼挾乘矢條

士御於大夫 〔註〕今文於爲于

見士昏禮至於某之室條

皆適次而俟 〔註〕今文俟作待

詩靜女俟我于城隅傳俟待也說文立部俟待也

部待俟也

不異侯 〔註〕今文異作辭

世聲案與尊者爲耦則卑者當辭而異侯是異辭一

義

三耦俟于次北 〔註〕今文俟爲立

見鄉射禮執旌負侯而俟條

至乏聲止 〔註〕古文聲爲磬

說文耳部聲音也从耳殼聲殼籀文磬集韻聲古作

殼

獲者與 〔註〕古文獲皆作護非也

春秋召獲駕乘車史記作護史記衛將軍驃騎傳涉

獲章渠徐廣曰獲一作護

獲而未釋獲 〔註〕古文釋爲舍

見鄉飲酒禮主人釋服條

且左還 〔註〕古文且爲阻

書舜典黎民阻飢史記五帝紀作始飢徐廣曰今文

尚書作祖飢祖始也小戴記檀弓夫祖者且也

案古器物銘皆以且為祖又阻沮通字小戴記月令

地氣沮泄呂覽仲冬紀作且泄又漢婁壽碑榮且溺

之耦耕即論語之長沮桀溺也

取矢柶之 註古文柶作魁

註柶齊等之也下揚觸柶復註古文柶作魁後漢書

東夷傳魁頭註猶科頭也 世榮 案論語為力不同科

科亦齊等之意

揚觸柶復 註古文柶作魁

見上

不貫不釋 註古文貫作關

見鄉射禮不貫不釋條

適阼階下 註今文曰阼階下無適

還右 註今文曰右還

以袂順左右隈 註今文順為循

詩江漢箋使循流而下釋文循本亦作順莊子天下

已之大順釋文順本作循又列禦寇大順釋文順或

作循

公親揉之 註古文揉為紉

世榮

案古从柔从丑字並得通左傳公山不狃史記



孔子世家作不蹂爾雅釋獸其跡爪釋文爪古文爲  
蹂引字林或作狃

遂以所執餘獲 〔註〕古文曰餘算

註餘獲餘算也

則縮而委之 〔註〕古文縮皆作蹙

見鄉飲酒禮縮霑條

賓升就席 〔註〕今文席爲筵

說文竹部筵竹席也燕禮司宮筵賓于戶西〔註〕筵席也士虞禮猶出几席〔註〕古文席爲筵周禮司几筵〔註〕筵亦席也鋪陳曰筵藉之曰席然其言之筵席通矣

司馬師命獲者 〔註〕今文司馬師無司馬

士長升受觶 〔註〕今文觶作觚

見上坐取觶條

媵觶于公 〔註〕今文觶爲觚

見同上

公答再拜 〔註〕今文公答拜無再

聘禮第八

帥眾介夕 〔註〕古文帥皆作率

下帥大夫以夕〔註〕古文帥爲率覲禮帥乃初事〔註〕今

文帥作率周禮樂師帥射夫〔註〕故書帥爲率 世犖案

說文帥當為逵率當為衛帥率並假借字今經典帥率通用不可枚舉

管人布幕于寢門外

註古文管作官今文布作敷

註管猶館也觀禮疏引此作館人易隨卦官有渝蜀

才本官作館

世榮

案穆天子傳官人陳牲官人膳鹿

卽儀禮管人字○詩小雅小旻敷于下土傳敷布也

書禹貢禹敷土鄭註敷布也又篠簜旣敷史記夏本

紀作竹箭旣布顧命敷重篋席說文苜部莫字引作

布重莫席文侯之命敷聞在下史記晉世家作布聞

在下詩長發敷政優優春秋左成二年傳昭二十年

傳春秋繁露並引作布政史記司馬相如傳專結縷

徐廣曰專古布字汗簡寸部敷古作專

加其奉於左皮上

註古文奉為卷

世榮

案卷當為拳士冠禮橫而奉之唐石經奉作拳

史記扁鵲倉公傳而毛美奉髮徐廣曰奉又作拳文

選報任安書更張空拳註引李登聲類云拳或作卷

漢書賈捐之傳敢昧死竭卷卷師古曰卷讀與拳同

馬則北面

註今文無則

使者載旻

註古文旻皆為膳

下朝服載旻註古文旻作膳旻旻載旻註古文旻為

膳

垂纁

〔註〕今文纁作璪

下圭與纁註古文纁或作藻今文作璪觀禮有纁註  
纁或為璪周禮典瑞纁藉五采註纁讀為藻率之藻  
書益稷藻火說文玉部作璪小戴記禮器朱綠藻陸  
本作纁纁即纁字

介皆與

〔註〕古文與作豫

見士昏禮我與在條

陳皮北首

〔註〕古文曰陳幣北首

世聲

案皮幣音近又皮帛幣帛相承通用

卿為上擯大夫為承擯士為紹擯

〔註〕今文無擯

介皆入門左

〔註〕今文無門

裼降立

〔註〕古文裼皆作賜

世聲

案裼有賜音詩斯干載衣之裼字與地協說文  
衣部禘字引作載衣之禘从衣啻聲

賓進訝

〔註〕今文訝為梧

公食大夫禮從者訝受皮註今文曰梧受漢書司馬  
相如傳或有柢梧如淳曰梧讀曰迂文選洞簫賦氣  
旁迂以飛射兮旁迂即旁午字說文午部午梧也梧  
道也惠徵君謂梧本作梧是也

釋名釋邱  
梧柢也

儀禮古今

卷之一

三

補山所著

公壹拜送

〔註〕古文壹作一

見士冠禮壹揖壹讓升條

先入門左

〔註〕古文重入

歸饗餼五牢

〔註〕今文歸或為饋

下夫人歸禮〔註〕今文歸作饋士虞禮特豕饋食〔註〕饋

猶歸也論語詠而歸又歸孔子豚又齊人歸女樂鄭

本歸並作饋他書亦多引作饋史記周本紀以歸周

公於兵所徐廣曰歸一作饋荀子王制使相歸移也

〔註〕歸讀為饋

皆二以竝

〔註〕今文並皆為併

士昏禮竝南上〔註〕竝當作併公食大夫禮二以竝〔註〕

竝併也今文曰併有司徹竝皆西〔註〕古文竝皆作

併士喪禮二人以並〔註〕今文並為併少牢饋食皆二

骨以並〔註〕今文並皆為併

車秉有五簋

〔註〕今文簋或為逾

下十六斗曰簋〔註〕今文簋為逾論語與之庾苞〔註〕十

六斗為庾也皇疏卽是聘禮之簋也荀子大略流九

止於甌與〔註〕引方言陳魏楚宋之間謂罍為與檢今

方言與作甌

世榮

案逾乃假借字

〔說文〕斗部斛量名引周禮曰黍三斛

考工記鄭〔註〕以為輕重未聞玉篇

儀禮古今

卷之十一

三

楠山所著

至于階讓

〔註〕古文曰三讓

至于階讓

〔註〕古文曰三讓

庭實設

〔註〕今文曰入設

實入音近春秋左宣十二年傳實其言註實猶充也

史記范雎蔡澤傳草入邑索隱入猶充也義亦得通

賓拜禮於朝

〔註〕今文禮為醴

見士冠禮禮於阼條

壹食再饗

〔註〕古文壹皆為一今文饗皆為鄉

壹一見士冠禮壹揖壹讓升條○公食大夫禮設洗

如饗又皆如饗註並云古文饗或作鄉小戴記祭義

饗者鄉也漢書樂志告靈饗矣師古曰饗字合韻皆

音鄉

俶獻

〔註〕古文俶作淑

爾雅釋詁淑善也說文人部俶善也一日始也穀梁

序疏及釋文並名淑玉海引疏作俶

以侑幣

〔註〕古文侑皆作宥

有司徹乃議侑于賓註古文侑皆作宥周禮大司樂

三侑唐石經作三宥小戴記禮器詔侑武方釋文侑

本或作宥爾雅釋詁侑報也釋文侑本或作宥荀子

宥坐此蓋為宥坐之器註宥與侑同

迎于外門外

〔註〕今文曰迎于門外

帥大夫以入

〔註〕古文帥為率

見上帥眾介夕條

拜自西階自左南面受圭

〔註〕今文或曰由自西階無

南面

禮玉束帛乘皮皆如還玉禮

〔註〕今文禮皆作醴

見士冠禮禮於阼條

公使卿贈

〔註〕今文公為君

詩臣工敬爾在公傳公君也爾雅釋詁公君也春秋

左襄七年傳公登亦登漢書五行志作君登亦登

載壇

〔註〕古文壇作膳

見上使者載壇條

赴者未至

〔註〕今文赴作訃

既夕赴曰〔註〕今文赴作訃小戴記雜記凡訃於其君

〔註〕訃或皆作赴說文忝部赴趨也徐鉉曰春秋傳赴

告用此字今俗作訃非

問幾月之資〔註〕古文資作齋

周禮外府〔註〕引此作問幾月之齋少牢饋食資黍于

羊俎兩端〔註〕今文資作齋周禮外府共其財用之幣

齋鄭司農云齋或為資今禮家定齋作資後鄭謂齋

資同耳其字以齊次為聲从貝變易古字亦多或又  
 典婦功女功之事齋典泉以待時頌功而授齋註並  
 云故書齋為資掌皮則會其財齋註齋或為資巾車  
 入齋于職幣註齋讀為資漢書霍去病傳為遣大官  
 齋數十乘師古曰齋與資同荀子大略齋盜糧註齋  
 與資同

釋軌

註古文軌作𨔵

註引詩傳曰軌道祭也

世榮

案古祭祀之字皆从示

故古文作𨔵

圭與纒

註古文纒或作藻今文作璪

見上取圭垂纒條

紉組

註今文紉作約

玉篇糸部紉約同

句勻本通字

為肆

註古文肆為肄

周禮小宗伯肄儀註故書肆為肆小戴記玉藻肆束  
 及帶註肆讀為肄曲禮大夫與士肆內則請肄簡諒  
 陸本並作肆學記宵雅肄三釋文肆本又作肆春秋  
 左文四年傳臣以為肄業及之也陸本作肆昭三十  
 年傳若為三師以肄焉釋文肆本又作肆

義之至也

註今文至為𨔵

儀禮古今

卷之二

吳

嶠山所著

說文石部砥字本作底詩桑柔靡所底止傳底至也  
書禹貢震澤底定史記夏本紀作致定

賓入門皇 註古文皇皆作王

說文王部王天下所歸往也小戴記少儀齊齊皇皇  
註皇讀如歸往之往詩漸漸之石不皇朝矣箋皇王  
也春秋繁露深察名號篇王者皇也書皇極史記作  
王極洪範五行傳建用王極註或皆為皇極莊子天  
運三王釋文本或作三皇

皮馬相間 註古文間作干

詩考槃在澗釋文澗韓詩作干

賄在聘于賄 註古文賄皆作悔

世榮案悔當為賄玉篇貝部賄贈送財也賄同

禮不拜至 註今文禮為醴

見士冠禮禮於阼條

擯者立于闕外 註古文闕為蹙

見士冠禮布席于門中闕西闕外條

負右房而立 註今文無而

唯羹飪 註古文羹為羔飪作臄

說文粥部鬻从粥从羔小篆从羔从美 世榮案羔字

蓋竹簡羹字之蝕去其半也○士昏禮皆飪註飪熟



也小戴記郊特牲腥肆爛臠祭註臠熟也詩楚茨傳烹飪之也釋文飪本又作臠

如饋食之禮 〔註〕今文無之

盼肉 〔註〕今文盼作紛

世犖案紛蓋假借字故鄭不從

明且問大夫 〔註〕古文曰問夫人也

夫人歸禮 〔註〕今文歸作饋

見上歸饗餼五牢條

日如其饗餼之數 〔註〕古文餼為既

小戴記中庸既稟稱事註既讀為餼說文米部氣饋

客芻米也引春秋傳齊人來氣諸侯或作槩或作餼

今左桓十年傳作餼諸侯考工記玉人以致稍餼註

餼或作氣論語不使勝食氣釋文氣說文作既

則重賄反幣 〔註〕今文曰賄反幣

十六斗曰籩 〔註〕今文籩為逾

見上車乘有五籩條

十筥曰稷 〔註〕古文稷作縷

史記景帝紀衣七縷布註縷八十縷也說文禾部稷

布之八十縷為稷又耗字引周禮十筥曰稷 世犖案

據此知稷縷古只一字

儀禮古今文疏證卷上終

姪與潮枚叟參校

儀禮古今文疏證卷下

臨海宋世舉學

公食大夫禮第九

以局鼎 註今文局作鉉古文鼎皆作密

見士冠禮設局鼎條

設洗如饗 註古文饗或作鄉

見聘禮壹食再饗條

宰東夾北西面南上 註古文無南上

坐奠于鼎西 註今文奠為委

詩采蘋于以奠之傳奠置也呂覽執一置質為臣註  
置猶委也

左人待載

〔註〕古文待爲持

周禮服不氏以旌居乏而待獲杜子春云待當作持  
大戴記禮三本待年而食者荀子禮論待年作持手  
倫膚七 〔註〕今文倫或作論

小戴記王制必卽天論註論或爲倫釋名釋典藝論  
倫也有倫理也詩靈臺於論鼓鐘箋論之言倫也皇  
侃論語義疏叙倫論二稱義無異也荀子儒效人倫  
盡矣註倫當爲論又性惡論而法註論或爲倫莊子  
齊物論有倫有義釋文倫崔本作論

公壹揖壹讓

〔註〕古文壹皆作一

見士冠禮壹揖壹讓升條

賓立于階西

〔註〕今文曰西階

麋麇以西菁菹鹿麇

〔註〕今文麇皆作麋

素問氣厥篇上爲口麋註麋謂爛也釋名釋飲食麇  
昵也骨肉相傳昵無汁也 世犖 案麇亦爛義又麇麋  
音近寫者承上而譌

宰夫設黍稷六簋于俎西二以竝

〔註〕今文曰併古文

簋皆作軌

竝併見聘禮皆二以竝條○周禮小史敘昭穆之俎  
簋註故書簋或爲几鄭司農云几讀爲軌說文竹部

簋黍稷方器也。匱古文簋。或从軌。易損卦二簋可用。享蜀才本作軌。

大羹湑不和。〔註〕今文湑為汁。

見士昏禮大羹湑在饗條。

由門入升自阼階。〔註〕今文又曰入門自阼階無升。

擣于醢上豆之間祭。〔註〕今文無于。

壹以授賓。〔註〕古文壹作一。

見士冠禮壹揖壹讓升條。

腳以東臙曉。〔註〕古文腳作香。臙作熏。

廣雅釋器腳香也。周禮庖人膳膏香。釋文香禮記作

薌。○廣雅釋器臙香也。文選別賦陌上草薰。註薰香氣也。

牛鮓。〔註〕今文鮓作鮓。

玉篇魚部鮓魚名。又鮓屬鮓同。

從者訝受皮。〔註〕今文曰梧受。

見聘禮賓進訝條。

魚腊不與。〔註〕古文與作豫。

見士昏禮我與在條。

西東母過四列。〔註〕古文本母為無。

見士昏禮夙夜無違命條。

二以並

〔註〕今文並作併

並即竝字見聘禮皆二以竝條

皆如饗拜

〔註〕古文饗或作鄉

見聘禮壹食再饗條

束錦也

〔註〕今文無束

加萑席

〔註〕今文萑皆為莞

〔註〕萑細葦也詩斯干下莞上簟箋莞小蒲之席也爾

雅釋草芞夫王〔註〕似莞蘭釋文莞本又作萑誤

世榮

案萑當為萑字

羊苦

〔註〕今文苦為芞

特牲饋食用苦〔註〕今文苦為芞說文艸部芞地黃也

引禮曰羊芞爾雅釋草藟大苦〔註〕或云似地黃

簠有蓋幕

〔註〕今文或作幕

既夕幕用疏布〔註〕幕覆也方言幕覆也小戴記檀弓

布幕衛也終幕魯也釋文幕本又作幕

覲禮第十

天子賜舍

〔註〕今文賜作錫

見燕禮以賜鐘人於門內雷條

帥乃初事

〔註〕今文帥作率

見聘禮帥眾介夕條

儀禮古今

卷之十

四

嶺山所著

以瑞玉有纁

〔註〕今文玉為璧纁或為琫

說文玉部璧瑞玉圓也○纁琫見聘禮取圭垂纁條

伯父實來予一人嘉之

〔註〕今文實作寔嘉作賀

詩小星寔命不同釋文寔韓詩作實又燕燕實勞我

心釋文實本亦作寔又韓奕實墉實壑箋實當作寔

趙魏之東實寔同聲春秋桓六年寔來左傳註寔實

也國策周策白起是攻用兵高誘曰是實也書秦誓

是能容之小戴記大學是作實別本亦作寔○廣雅

釋言賀嘉也國語晉語賀大國之襲於已說苑辨物

篇賀作嘉

迎于外門外

〔註〕古文曰迎于門外也

大史是右

〔註〕古文是為氏也

周禮射人註引此作大史氏右士昏禮惟是三族之

不虞白虎通宗族引作惟氏小戴記曲禮是職方註

是或為氏漢書地理志氏為莊公師古曰氏與是同

古通用字後漢書李雲傳則五氏來備註是與氏古

字通耳山海經西山經高是之山水經註作高氏韓

勅碑於氏憤憤之思隸釋以於氏為於是又張遷碑

張是輔漢張是即張氏字又漢末人是儀亦作氏儀

陳壽魏志謂孔文舉改氏為是非也

尚左 〔註〕古文尚作上

見鄉射禮以茅上握焉條

四傳擯 〔註〕今文傳作傳

周禮訓方氏誦四方之傳道註故書傳為傳史記封禪書其傳在渤海中服虔曰傳音附或曰其傳書云爾瓚曰世人相傳之漢書五行志傳以洪範師古曰傳字或作傳小戴記檀弓註何傳乎釋文傳一本作傳莊子天運魚傳沫又山木隨其為傳釋文並云傳本作傳春秋左傳各傳字唐石經並作傳

祭地瘞 〔註〕古文瘞作瘞

爾雅釋天孫炎註瘞者翳也詩皇矣其雷其翳釋文翳韓詩作瘞釋名釋喪制瘞也 就隱翳也

喪服第十一

牡麻經冠布纓 〔註〕今文無冠布纓

士喪禮第十二

綴足用燕几 〔註〕今文綴為對

考工記輿人鞬圍鄭司農云鞬讀如繫綴之綴

書銘于末 〔註〕今文銘為名末為施也

既夕取銘置于重註今文銘皆作名周禮小祝置銘註銘今書或作名又司勳註銘之言名也小戴記祭

統銘者自名也列子湯問伯益知而名釋文名與銘同○釋名釋兵白旆殷旌也以帛繼旄末也世榮案末有昧音旆亦有末音

東鄉 〔註〕今文鄉爲面

周禮揮人而正王面小戴記玉藻惟君面尊註並云面猶鄉也

不精 〔註〕古文精皆爲精

〔註〕精讀爲絳說文糸部絳讀若旌釋名釋兵旌精也孟郁碑叩工旌密隸釋以旌爲精

環幅不鑿 〔註〕古文環作還

春秋左襄十年傳還鄭而南釋文還本亦作環又哀三年傳道還公宮釋文還本又作環

牢中旁寸 〔註〕今文樓爲纓旁爲方

〔註〕牢讀爲樓樓爲削約握之中央以安手也上長四寸纓中註纓笄之中央以安髮世榮案古無纓字纓

中卽牢中也牢樓聲轉如樓蘭之爲牢蘭矣○大射儀左右曰方〔註〕方出旁也廣雅釋詁旁方也書堯典方鳩偃功史記五帝紀說文彡部並引作旁益稷方施象刑白虎通聖人說苑節士並引作旁施吕刑方告無辜於上論衡變動引作旁告



決用正王棘若擇棘 〔註〕古文王為三今文擇為澤

說文王部王字引孔子曰一貫三為王 世榮案古文

為三當為竹簡之爛而脫其中一也○古釋醴等字

皆作澤說文無擇字今文為澤當亦假借用

祿衣 〔註〕古文祿為緣

註黑衣裳赤緣之謂祿祿之言緣也周禮內司服緣

衣註此緣衣者實作祿衣也釋文緣或作祿

竹笏 〔註〕今文笏作忽

釋名釋書契笏忽也說文日部作旨引春秋傳鄭太

子忽今左傳作太子忽書益稷在治忽鄭本作治忽

論語微子仲忽漢書人表作中忽漢書揚雄傳翕赫

習霍又嚮習如神師古並曰習與忽同

拒用巾 〔註〕古文拒皆作振

註拒晞也清也小戴記曲禮振書註振去塵也 世榮

案拒即振字

渙濯棄于坎 〔註〕古文渙作緣

世榮案註謂荆沔之間語蓋方言也

髻用組 〔註〕古文髻皆為括

下主人髻髮袒註古文髻作括說文髟部髻潔髮也

手部括絜也髻括即髻括字玉篇髟部髻同髻

宰洗桐建于米執以從

〔註〕今文宰不言執

設鞅帶

〔註〕古文鞅為合也

士冠禮鞅鞅註合韋為之管子小匡鞅革二載註鞅革重革文選洞簫賦薄索合沓註合沓重沓也

麗于擊

〔註〕古文麗亦為連擊為挽

易象上傳麗澤兌註麗猶連也孔穎達易正義論史記五帝紀引世紀連山氏路史作麗山氏○史記封禪書莫不搯扼漢書郊祀志作搯擊師古曰古手挽字也又漢書游俠傳搯擊而游談者師古曰擊古手挽字也

世準案腕即挽字擊當依說文作擊為正

設冒纛之

〔註〕今文纛為纛

春秋左成十七年傳楚公子纛師唐石經作纛師周禮翦氏註故書蠹為纛釋文纛本或作纛

幕用疏布

〔註〕古文幕皆作密

既夕幕用疏布註今文幕皆作密少牢饋食皆設局幕註古幕作密幕通作甌詳士冠禮設局甌條

奠奠用功布

〔註〕古文奠為尊

奠尊形近說文丌部奠置祭也从會會酒也下其丌也又會部尊酒器也从會升以奉之或从寸作尊

四鬣去蹄兩胎脊肺

〔註〕今文鬣為剔胎為迫

釋名釋首飾鬢剔也詩皇矣攘之剔之釋文剔或作鬢又思樂狄彼東南箋狄當作剔釋文引韓詩云鬢鬢除也後漢書馮劬傳皆自鬢剔註剔聲類曰亦鬢字莊子馬蹄燒之剔之釋文剔崔本作鬢漢書司馬遷傳鬢毛髮文選鬢作剔○註胎脅也下兩胎註今文胎為迫周禮醢人豚拍註鄭大夫杜子春皆以拍為膊釋文釋飲食膊迫也世犖案胎即膊字

設局鼯註古文鼯為密

見士冠禮設局鼯條

二人以並

註今文並為併

並即竝字見聘禮皆二以並條

主人髻髮袒眾主人免于房

註今文免皆作纒古文

髻作括

既夕喪祝免袒註今文免作纒玉篇糸部纒喪服或作免春秋左僖十五年傳使以免服衰經逆釋文免又作纒世犖案說文纒即冕字今文非也○註引喪服小記曰斬衰髻髮以麻檢今小戴記喪服小記髻作括餘見上髻用組條

奉尸使于堂

註今文使作夷

註使之言尸也既夕使牀釋文使本亦作夷小戴記

喪大記奉尸夷于堂註夷之言尸也釋文夷本或作  
俛玉篇人部俛夷也

拙肩子左手兼執之取窳 [註]今文肩為鉉古文予為  
于窳為密

肩窳見士冠禮設肩窳條○書康王之誥用端命于  
上帝唐石經于作予史記賈生傳請問于服兮索隱  
漢書作予

乃杙載載兩髀于兩端兩肩亞兩肱亞脊肺在于中皆  
覆進祗 [註]古文杙為匕髀為脾今文肱為迫祗皆為  
祗

少牢饋食長杙註古文杙作匕士昏禮註執匕者陸  
本作杙劉云匕器名杙者杙載也 世榮案杙字本作  
杙小戴記雜記杙以桑註杙所以載牲體者釋文杙  
本亦作杙詩大東疏引雜記云匕用桑○髀脾見士  
昏禮髀不升條肱迫見上兩肱條○士虞禮載猶進  
祗註今文祗為祗

襚者以裙 [註]古文裙為襲

釋名釋衣服裙襲也玉篇衣部襲重衣也急就篇註  
裙謂重衣之最在上者也

羸醢兩遵無滕 [註]今文羸為蝸古文滕為甸

儀禮古今

卷之下

十一 嶺山所著

羸蝸見士冠禮羸醢條○世筆案騰騰勝同聲易象

下傳勝口說也釋文勝九家作乘詩十月百川沸騰

傳騰乘也周禮小司徒註甸之言乘也小戴記郊特

牲邱乘共粢盛註六十四井曰甸或謂之乘詩信南

山維禹甸之釋文甸鄭讀繩證反

左首進髻註古文首為手髻為耆

首手見大射儀後首條○註髻脊也士虞禮魚進髻

註古文髻為耆文選長楊賦瘵耆孟康曰馬脊耆創

瘵處服虔曰耆鬣玉篇髟部髻鬣也

成踊出註今文無成

主人拜送註今文無拜

敦啟會註今文無敦

兼執之註今文無兼

度茲幽宅兆基註古文無兆基作期

期朞一字士虞禮朞而小祥註古文朞皆作基周禮

質人邦國朞釋文朞本或作基後漢書郎顛傳於詩

三基註基當作朞又漢靈臺碑楊著碑劉曜碑嚴舉

碑柳敏碑任伯嗣碑費鳳碑張遷碑皆以基為朞字

不迷命註古文迷皆作術

小戴記祭義而術省之註術當為迷聲之誤也詩曰

居月諸報我不述釋文述本亦作術小戴記樂記識  
 禮樂之文者能述又述者之謂明又述作之謂也史  
 記樂書並作術漢書賈山傳術追厥功師古曰術亦  
 作述唐扶頌耽樂道述隸釋以述為術韓勅後碑共  
 術韓君德政孟郁碑歌術功稱張表碑方伯術職靈  
 臺碑陰州里稱術樊敏碑臣子褒術皆以術為述字  
 席于闐西闕外 [註]古文闐作欒闐作蹙

見士冠禮闐西闕外條

主人占曰某日從 [註]古文曰為日

易大畜曰閑輿衛鄭康成陸希聲並讀曰為日孟子  
 滕文公放勳曰舊趙註本作日音義日丁音駟或作  
 日誤

既夕第十三

請啓期 [註]今文啓為開

見士昏禮贊啓會條

商祝免袒 [註]今文免作纒

見士喪禮主人免于房條

取銘置于重 [註]今文銘皆作名

見士喪禮為銘條

設披 [註]今文披皆為藩

儀禮古今

卷之十一

三 確山所著

皮番通字詩十月之交蕃維司徒漢書古今人表作皮書禹貢滎波既豬馬鄭本波作播周禮大司樂播之以八音註播之言被也故書播為藩

緇翦 〔註〕今文翦作淺

註翦淺也周禮巾車註翦淺黑也詩東門之墀有踐家室傳踐淺也小戴記玉藻勿身踐也註踐讀曰翦史記孝文紀皆無踐服虔曰踐翦也考工記註翦者如淺淺之淺詩小戎傳爾雅釋言並云淺淺也

冪用疏布 〔註〕今文冪皆作密

見士喪禮冪用疏布條

甒二 〔註〕古文甒皆作廡

見士冠禮側尊一甒醴條

兩杆 〔註〕今文杆為梓

註杆盛湯漿 世榮 案杆即孟字說文皿部孟飯器也

小戴記內則敦牟註黍稷器也釋文齊人呼土釜為牟考工記弓人筋三倅釋文倅本又作牟亦作梓同

賓奠幣于棧 〔註〕今文棧作輓

註棧謂柩車也玉篇車部輓載柩車

髀不升 〔註〕古文髀作脾

見士昏禮髀不升條

羸醢 〔註〕今文羸爲蝸

見士冠禮羸醢條

特鮮獸 〔註〕古文特爲俎

世犖 案鮮獸乃特陳於俎者故古文爲俎

執算 〔註〕古文算皆爲筴

算數也筴卽策字史記五帝紀推策晉灼曰策數也

執功布以御柩 〔註〕今文無以

屬引 〔註〕古文屬爲燭

春秋左昭二十七年傳吳子燭庸史記刺客傳作屬

庸

乃窆 〔註〕今文窆爲封

小戴記檀弓縣棺而封又殷既封而弔又於其封也

曾子問遂縣封註並云封當爲窆王制庶人縣封註

當爲縣窆喪大記凡封註封周禮作窆易繫辭不封

不樹虞仲翔曰封古窆字也說文土部塋喪葬下棺

也春秋傳曰朝而塋禮謂之封周官謂之窆

曰如之何 〔註〕古文無曰字

士處適寢寢東首于北墉下 〔註〕今文處爲居于爲於

詩殷其雷莫或遑處傳處居也小戴記中庸居易以

俟命論衡幸偶作處易孟子滕文公居於於陵論衡



刺孟作處於於陵老子處衆人之所惡釋文處本作居○于於見士昏禮至於某之室條

設牀第 〔註〕古文第爲茨

世犖案第茨音近說文竹部第牀簣也詩淇澳綠竹如簧傳簣積也又甫田如茨如梁傳茨積也

楔貌如輓 〔註〕今文輓作厄

釋名釋車榻柅也所以柅牛頸也馬曰烏啄詩韓奕條革金厄傳厄烏蠲也 世犖案柅卽輓字

技在南 〔註〕古文技爲枝

見士昏禮授技條

赴日 〔註〕今文赴作訃

見聘禮赴者未至條

掘坎 〔註〕今文掘爲坵

玉篇土部坵埤蒼云坎也坑也

世犖

案此當因下坵

坎而譌

逕用塊 〔註〕古文逕爲役

士喪禮爲逕于西墻下 〔註〕逕塊竈玉篇土部坵陶竈窻也引儀禮甸人爲坵于西墻下本亦作逕亦作煨

世犖

案役卽逕省

凡綾紵用布倫如朝服

〔註〕今文無紵古文倫爲輪

儀禮古今

卷之十

共

一 确山所著

易說卦為弓輪釋文輪本作倫

實角解 〔註〕古文角解為角柶

解柶音近又儀禮多角柶字故傳寫或混

主人說髦 〔註〕今文說皆作稅

見士昏禮主人說服于房條

主人乘惡車 〔註〕古文惡作聖

周禮守祧則守祧黜聖之釋文聖本作惡小戴記雜

記廬聖室之中釋文聖本作惡

白狗幣 〔註〕古文幣為幕

註幣覆笄也詩韓奕鞞鞞淺幘傳幘覆式也 世榮案

幘即幣字周禮巾車作褱又幕幕通字小戴記檀弓

車幕註幕或為幣

御以蒲菽 〔註〕古文菽作駟

疏引宣十二年知莊子抽矢菽漢書鼃錯傳材官駟

發如淳曰駟矢也春秋左氏傳作菽其音同耳

木館 〔註〕今文館為館

世榮案館鎡形近說文作轄轄急就篇註轄轂端之

鐵也轄豎貫軸頭制轂之鐵也方言關之東西曰轄

南楚曰軟離騷看玉軟而並馳註軟車轄也

木鑣 〔註〕古文鑣為苞

儀禮古今

釋名釋車鑣苞也在旁苞斂其口也急就篇註鑣之言苞也小戴記曲禮苞屨註苞蕉也又春秋傳申包胥鵲冠子作申庶胥

馬不齊髦

〔註〕今文髦為毛

廣雅釋器髦毛也周禮司勳則諸侯毛釋文毛別本作髦書堯典鳥獸毳毛說文毛部穉字引作穉髦顧命南宮毛漢書人表作髦

啓之斯

〔註〕古文啓為開

見士昏禮贊啓會條

軼軸

〔註〕古文軼或作拱

上用軸註軸軼軸也狀如轉麟刻兩頭為軼軼狀

世

案蓋取拱持之義說文無軼字知即借用拱也

序從如初

〔註〕今文無從

莝鞞載旛

〔註〕今文鞞為殺旛為膳

鞞殺音轉如騷殺騷屑之類○旛膳見聘禮載旛條

橐車載蓑笠

〔註〕今文橐為潦

註橐猶散也散車以田以鄙之車蓑笠備雨服疏引

周禮輪人為蓋鄭云禮所謂潦車謂蓋車與釋名釋

車高車其蓋高立乘載之車也又輅蓋义也

世案

此則橐當為高潦當為輅矣

抗木刊 〔註〕古文刊為竿

註剝削之莊子列禦寇竿牘司馬註謂削竹簡為書以相問遺左傳序則刊而正之釋文刊削也

弓矢之新沽功 〔註〕今文沽為古

世犖 案古蓋沽省

有秘 〔註〕古文秘作柴

註引詩云竹秘緄滕今詩作竹閉 世犖 案秘柢音近

據釋文柴字作柴張淳識誤所見釋文作柴柴即柢字小戴記喪大記以柢為柢古文蓋音近假借用也

設依撻焉 〔註〕今文撻為銛

註撻附側矢道也 世犖 案銛當為柢說文木部柢檠

也从木昏聲一曰矢枯築弦處

士虞禮第十四

藉用葦席 〔註〕古文藉為席

說文巾部席藉也管子山權數賦藉藏龜註藉席也周禮春官司几筵註藉之曰席

設局甌 〔註〕今文局為鉉

見士冠禮設局甌條

東縮 〔註〕古文縮為蹙

見鄉飲酒禮縮霑條

抽局甌

〔註〕今文局為鉉古文甌為密

見士冠禮設局甌條

魚亞之

〔註〕今文無之

佐食出立于戶西

〔註〕今文無于戶西

命佐食啓會

〔註〕今文啓為開

見士昏禮贊啓會條

祝命佐食墮祭

〔註〕今文墮為綏

〔註〕引周禮曰既祭則藏其墮下不綏祭註綏當為墮

少牢饋食以綏祭註綏或作接接讀為墮特牲饋食

祝命接祭註引士虞禮古文曰祝命佐食墮祭周禮

曰既祭則藏其墮墮與綏讀同耳小戴記曾子問不

綏祭註綏周禮作墮

播餘于篚

〔註〕古文播為半

半當為拌方言拌棄也楚凡揮棄物謂之拌楚詞思

古播規架以背度兮注播棄也國語吳語播棄黎老

酌尸

〔註〕古文酌作酌

少牢饋食乃酌尸註古文酌作酌特牲饋食酌酌尸

註今文酌皆為酌

世犖

案酌當為酌字玉篇酉部酌

少飲也酌同說文無酌字知古只作酌矣

祝取肝搗鹽

〔註〕今文無搗鹽

儀禮古今

卷之十

三 確山新著

祝入尸謾

〔註〕古文謾或為休

少牢饋食祝入尸謾〔註〕謾或作休

沐浴不櫛

〔註〕今文曰沐浴

殺于廟門西

〔註〕今文無廟

取諸左臑上

〔註〕古文曰左股上

疏謂鄭欲兩從盖傳寫之異

皆設扃竈

〔註〕今文扃作鉉古文竈作密

見士冠禮設扃竈條

載猶進柢魚進鬻

〔註〕今文柢為祗古文鬻為者

柢祗見士喪禮進柢條鬻者見士喪禮進鬻條

錐芼用苦

〔註〕古文苦為枯今文或作竿

書禹貢惟箛箛楛說文木部枯字引作輅枯荀子勸

學問楛者勿告也〔註〕楛與苦同莊子人間世此以其

能苦其生者也釋文苦崔本作枯世榮案竿當為芼

字見公食大夫禮羊苦條

聲三啓戶

〔註〕今文啓為開

見士昏禮贊啓會條

明齊溲酒

〔註〕今文曰明粢又今文溲為醲

周禮酒正辨五齊之名〔註〕杜讀齊皆為粢小戴記禮

運粢醴在堂〔註〕粢讀為齊祭統以共齊盛〔註〕齊或為

案○下普薦漉酒註今文漉為醜說文無醜字知即作漉也

哀薦禘事 [註]今文曰古事

世犖案古當為合字之譌白虎通宗廟禘者合也

他用剛日 [註]今文他為它

詩鶴鳴他山之石陸本他作它釋云它古他字史記曹相國世家項他漢書高帝紀作項它師古曰它字與他同又秦南海尉它師古曰它古佗字也書本亦或作他詩唐風他人是愉漢書地理志作它人是愉乃餞 [註]古文餞為踐

周禮司尊彝朝踐註古書踐作餞書堯典寅餞納日馬本作淺訓滅也 世犖案成王政叙註踐訓滅是馬亦以餞為踐字

尊兩甒于廟門之右 [註]古文甒為廡也

見士冠禮側尊一甒醴條

脯四脰 [註]古文脰為挺

挺當為挺鄉飲酒禮薦脯五挺釋文挺本亦作脰同

縮祭 [註]古文縮為蹙

見鄉飲酒禮縮霤條

尸諤 [註]古文諤作沐

儀禮古今

卷之七

三

確山所著

文疏證

世榮

案上謾為休沐當為休字之譌王侍郎引之曰

書之一

謾休古聲相近

丈夫說經帶于廟門外 [註]今文說為稅

見士昏禮主人說服于房條

主人不與 [註]古文與為豫

見士昏禮我與在條

猶出几席 [註]古文席為筵

見大射儀賓升就席條

躋耐爾于爾皇祖某甫 [註]今文躋為齊

躋躋通字詩長發帝命不違至于湯齊湯降不遲聖

敬日躋小戴記孔子閒居湯齊日躋字並作齊註詩

讀湯齊為湯躋又樂記地氣上齊註齊讀為躋釋文

齊又作躋

明日以其班耐 [註]古文班或為辨今文為胖

少牢饋食右胖註古文胖皆作辨辨即辨字漢書王

莽傳辨社諸侯註孟康曰班辨布也師古曰辨讀曰

班春秋左襄二十五年傳男女以班劉炫云哀元年

蔡人男女以辨與此同

沐浴櫛搔翦 [註]今文曰沐浴搔翦或為蚤揃揃或為

鬣

儀禮古今

卷之六

三 一 廟山所著



註搔當為爪士喪禮蚤揃如他日註蚤讀為爪斷爪  
 揃鬚也小戴記曲禮不蚤鬚註蚤讀為爪鬚鬚鬚也  
 引士喪禮鬚作揃漢書枚乘傳足可搔而絕註搔謂  
 抓也抓即爪字之俗又莊子外物篇釋文引三蒼揃  
 猶翦也詩甘棠勿剪勿伐漢書王吉傳作勿鬚勿伐  
 漢書韋賢傳鬚茅作堂師古曰鬚字與翦同

為折俎取諸脰臙〔註〕今文字為折俎而說以為斯俎  
 亦甚誣矣古文脰臙為頭噬也

世學案斯折俱从斤故今文或傳寫異而誤解之○  
 脰頭見士昏禮左頭奉之條○臙音形並近

普薦漶酒〔註〕今文漶為醜

見上明齊漶酒條

朞而小祥〔註〕古文朞皆作基

見士喪禮幽宅兆期條

薦此常事〔註〕古文常為祥

少牢饋食假爾大筮有常〔註〕常吉凶之占繇後漢書  
 竇武傳註祥吉凶之先見者史記爰盎鼂錯傳今公  
 常從數騎徐廣曰常一作詳世學案詳祥通字

中月而禫〔註〕古文禫或為導

說文谷部囟讀若三年導服之導又木部椌讀若三

年導服之導小戴記喪大記禫而內無哭者註禫或皆為道道即導字

特牲饋食禮第十五

席于門中闕西闕外 [註]古文闕作絜闕作蹙

小戴記玉藻大夫中棖與闕之間註棖門楔也 世榮

案絜當為楔省○闕蹙見士冠禮闕西闕外條

乃宿尸 [註]凡宿或作速記作肅周禮亦作宿

註宿讀為肅肅進也士冠禮乃宿賓註宿進也小戴

記祭統宮宰宿夫人註宿讀為肅爾雅釋詁肅速也

國語周語俾莫不任肅純恪註肅速也

有甌 [註]古文甌為密

見士冠禮設局甌條

主婦視饔饔于西堂下

[註]古文饔作糒周禮作饔

周禮饔人註故書饔作饔說文食部饔酒食也或作

饔或作糒方言氣熟曰糒字林饔熟食也

藉用萑 [註]古文用為于

士冠禮宜之于假註于猶為也荀子富國仁人之用

國註用為也

甌之 [註]古文甌皆作密

見士冠禮設局甌條

設大羹湑于醢北 註今文湑皆作汁

見士昏禮大羹湑在爨條

升酌酌尸 註今文酌皆為酌

見士虞禮酌尸條

賓長以肝從 註今文無長

尸以醋主人 註古文醋作酢

士虞禮尸以醋主人釋文醋本亦作酢有司徹尸以

醋主婦註今文醋曰酢易繫辭是故可與酬酢京房

本作醋說文西部醋客酌主人又酢醖也徐鍇曰今

人以此為酬醋字反以醋為酢字時俗相承之變也

五經文字西部醋酢上才各反下倉故反見詩今禮

經依音用上字下經典通用為酬酢字

佐食授綏祭 註古文授作綏

少牢饋食上佐食以綏祭註綏或作授有司徹其綏

祭註綏皆當作授互詳士相見禮安而後傳言士虞

禮祝命佐食墮祭條

主婦洗爵酌 註今文曰主婦洗酌爵

坐挽手 註古文挽皆作說

見鄉飲酒禮坐挽手條

主婦拜受爵 註今文授為受

儀禮古今

大射儀坐授瑟唐石經授作受周禮司書受其幣大司徒使之相受掌葛以權度受之註並云故書受為授典婦功凡授嬪婦功司儀再拜授幣註並云授當為受

尸備答拜焉

註古文備為復

小戴記喪大記復殯服註復或為服

世榮

案服亦作

楠形與備近

皆奠解于薦右

註今文曰奠于薦右

養者舉奠

註古文養皆作餽

釋文養與餽同有司徹乃養註古文養作餽

世榮

案

養當為簞簞即饌本字論語先生饌釋文饌鄭作餽

用苦 註今文苦為芊

見公食大夫禮羊苦條

淳沃

註今文淳作激

考工記鍾氏淳而漬之註淳沃也

世榮

案激亦激水

以沃之義

刊肺三

註今文刊為切

少牢饋食心皆安下切上註今文切為刊又祭肺三

皆切士虞禮註引作皆刊說文刀部切刊也刊切也

少牢饋食禮第十六

宿 〔註〕古文宿皆作羞

註宿讀為肅肅進也周禮膳夫羞用百有二十品註羞進也漢書百官表御羞師古曰今長安城南御宿川也羞宿聲相近故或云御羞或云御宿耳

廩人擬餽廩 〔註〕古文餽為烝

方言餽或謂之酢餽爾雅疏引作酢餽說文食部餽飯氣蒸也 世榮 案餽所以烝烝餽音近故古文假借

司馬升羊右胖髀不升 〔註〕古文胖皆作辯髀皆作脾

胖辯見士虞禮明日以其班耐條髀脾見士昏禮髀不升條

皆二骨以並 〔註〕今文並皆為併

見聘禮皆二以竝條

皆設扃冪 〔註〕古文冪皆為密

見士昏禮冪用疏布條

司宮尊兩甒于房戶之間同楹皆有冪 〔註〕古文甒皆

作庶今文冪作甒

甒庶見士冠禮側尊一甒醴條○士喪禮冪用疏布

既夕冪用疏布釋文並云冪本又作甒互詳士冠禮

設扃甒聘禮簠有蓋冪條

南柄 〔註〕古文柄為方

儀禮古今

國策秦策公仲柄得秦師史記甘茂傳柄作方

長杙 〔註〕古文杙作七

見士喪禮乃杙條

心皆安下切上 〔註〕今文切皆為刵

見特牲饋食刵肺三條

羸醢 〔註〕今文羸為蝸

見士冠禮羸醢條

主婦興入于房 〔註〕今文曰主婦入于房

辯揆于三豆 〔註〕今文辯為徧

見鄉飲酒禮辯有脯醢條

上佐食舉尸牢幹 〔註〕古文幹為肝

釋名釋形體肝幹也廣雅釋親肝幹也白虎通性情

肝之言干也鄭季宣碑陰直事干司馬整碑陰諸曹

干並以干為幹字

乃酌尸 〔註〕古文酌作酌

見士虞禮酌尸條

縮執俎 〔註〕古文縮為蹙

見鄉飲酒禮縮霑條

上佐食以綏祭 〔註〕綏或作接 又古文墮為斯

下其綏祭註綏亦當作接古文為斯張淳以為此綏

為斯之證餘詳士虞禮祝命佐食墮祭特牲饋食佐食授綏祭條

以嘏于主人 又受祿于天 又眉壽萬年勿替引之 註

古文嘏為格祿為福眉為微替為袂袂或為載

嘏格見士冠禮孝友時格條○爾雅釋詁祿福也○

春秋莊二十八年築郿公穀並作築微左作築麋詩

巧言居河之麋爾雅釋水水草交口涓引詩居河之

涓釋文或作澍又釋邱谷者澍釋文澍本作涓 世榮

案眉麋一字見士冠禮眉壽萬年條○註替載聲相

近 世榮 案袂乃秩字之譌文選東京賦魏都賦景福

殿賦押秩字並直至反又載卽戴字詩巧言秩秩大

猷說文大部引作戴戴漢書地理志四戴卽詩駟驥

文選西征賦與政隆替替字亦當音鐵也 春秋公羊

戰于栗釋文栗一本作秩二傳作鐵

挂于季指 註古文挂作卦

挂俗作掛易乾卦疏引易緯云卦者掛也繫辭故再

初而後掛釋文掛京本作卦

其綏祭 註綏亦當作接古文為斯

見上上佐食以綏祭條

祝拜坐爵 註今文曰祝拜受

尸謾 〔註〕謾或作休

見士虞禮尸謾條

資黍于羊俎兩端 〔註〕今文資作齎

見聘禮問幾月之資條

主人答一拜 〔註〕古文壹為一也

見士冠禮壹揖壹讓升條

有司徹第十七

乃燔尸俎 〔註〕古文燔皆作尋記或作燔

〔註〕燔温也引春秋傳曰若可燔也亦可寒也檢今春秋左哀十二年傳燔作尋服〔註〕尋之言重也温也孔

疏引少牢有司徹云乃尋尸俎鄭元云尋温也論語

温故而知新集解温尋也皇疏温燔也 世犖案記或

作燔者疏引郊特牲血腥爛祭〔註〕云爛或為燔聘禮

〔註〕惟燔者有膚釋文燔本一作爛說文炎部燔於湯

中爨肉廣韻燔爛字並同燔

乃設局甌 〔註〕今文局為鉉古文甌為密

見士冠禮設局甌條

乃議侑于賓 〔註〕古文侑皆作宥

見聘禮以侑幣條

西縮 〔註〕古文縮為蹙

義禮古今



見鄉飲酒禮縮霑條

西竝 註古文竝皆作併

見聘禮皆二以竝條

羊肉涪 註今文涪為汁

見士昏禮大羹涪在饗條

二手執挑七枋以挹涪 註今文挑作抗挹皆為扱

註挑謂之畎讀如或春或抗之抗字或作挑者秦人

語也周禮春人女春抗二人註抗抒白也引詩云或

春或抗爾雅釋器斛謂之澠註皆古鍬鍤字方言甬

燕之東北朝鮮冽水之間謂之斛 世犖 案斛澠即挑

畎字詩生民或春或掄傳掄抒白也釋文掄說文作

自檢說文自部自抒白也引詩或簸或自或从手从

宀○挹扱音近廣雅釋詁扱担取也說文手部担挹

也

于東楹東 註古文曰東楹之東

與殿脩 註今文殿為斷

釋文殿本又作段釋名釋言語斷段也春秋公羊莊

二十四年傳殿脩云乎哉註殿脩取其斷斷自脩正

主婦主人之北西面答拜 註今文無西面

南面主婦立于席西 註今文曰南面尸于席西

儀禮古今

卷之下

三 礪山所著

坐挽手 註古文悅作說

註挽手者于悅小戴記內則註巾以悅手釋文悅拭手也本作挽少儀註坐挽手釋文挽本作悅挽說見鄉飲酒禮坐挽手條

皆答壹拜 註今文壹為一

見士冠禮壹揖讓升條

羊幣一 註古文幣為脗

見鄉飲酒禮脊脅脗肺條

若是以辯 註今文若為如辯皆作徧

鄉飲酒禮公如大夫入註如讀若今之若考工記梓

人母或若汝不寧侯註若如也 世舉 案若如經典通

用甚駁○辯徧見鄉飲酒禮辯有脯醢條

其脊體儀也 註今文儀皆為曦或為議

世舉

案曦字古作羲書大傳儀伯樂舞註儀當為羲

仲之後也又典寶序羲伯釋文羲本作義莊子馬蹄

雖有義臺路寢釋文義本作義齊物論有倫有義釋

文義崔本作議國語鄭語伯翳能議百物漢書地理

志作伯益能儀百物易繫辭議之而後動釋文陸姚

桓元荀柔之本作儀

主人就筵 註古文曰升就筵

儀禮古今

舉觶于其長 〔註〕古文觶皆為爵

見鄉射禮執觶洗升條

無髀 〔註〕古文髀作脾

見士昏禮髀不升條

乃據于魚腊俎 〔註〕今文據為據

世舉案據字當為搆集韻據古作搆本作拓說文手

部拓拾也陳宋語或从庶作據又搆撮取也方言據

取也廣雅釋詁據搆取也

其綏祭 〔註〕綏皆當作按古文為換

世舉案換即搆字周禮大祝有搆祭換按形聲並近

餘見少牢饋食上佐食以按祭條

尸以醋主婦 〔註〕今文醋曰酢

見特牲饋食尸以醋主人條

乃養 〔註〕古文養作餒

見特牲饋食養者舉奠條

右几屏用席 〔註〕古文右作侑屏作莩

周禮大祝以享右祭祀註右讀為侑又令鐘鼓右註

右讀亦當為侑荀子宥坐此蓋為宥坐之器註宥與

右同或曰與侑同○爾雅釋詁屏隱也說文厂部屏

隱也小戴記喪大記甸人取所徹廟之西北屏疏引

熊安生云屏謂西北隅屏隱之處詩采芑箋弗之言  
 蔽也爾雅釋詁輿革前謂之鞞後謂之弗李註弗車  
 後戶名也 世犖 案弗蔽車後亦如屋西北隅之有屏  
 屏弗音亦近

儀禮古今文疏證卷下終

男 曾酌甸之校  
經畬訓之校

王伯申侍郎札

大箸勤求古義以釋古經觸類引伸四通六闢中如袂  
 當為秩酌當為酌尤見卓識精思非熟于齟聲假借之  
 例不能有此 弟 嘗欲輯古書通作之字以考古音之分  
 合先生此書先我箸鞭矣敬服敬服承委校勘遵命附  
 記一二簽管窺之見未知是否仍希教正王引之頓首  
 确山先生足下

案律為律之誤儀也此亦答問已  
 言之酌為酌之誤儀也若問及誤  
 此說文正保已言之



文疏證

夫言

書之一

